



## „Pokaži mi priču“

**Inicijator:** JU narodna i univerzitetska biblioteka “Derviš Sušić” Tuzla

**Cilj inicijative:** Usvajanje novih znanja kroz didaktička, edukativna i zabavna pomagala.

**Sažetak inicijative:** Ciljna grupa ove inicijative su bili učenici od I do IV razreda JU OŠ “Kreka” i JU OŠ “Živinice Gornje”, sa fokusom na djecu slabijeg socio-ekonomskog statusa koji nemaju priliku da posjećuju biblioteku i kod kojih je opservirana potreba za podrškom u razvijanju čitalačke pismenosti. Uposlenici biblioteke su nastojali razviti i poboljšati kulturu čitanja i izražavanja kod djece navedene ciljne grupe, omogućiti iskustvo učenja u drugačijem okruženju i dati doprinos u izgradnji navike za čitanje i posjetu školskoj i/ili gradskoj biblioteci. Organizovan je set radionica koje su se odvijale u prostorijama biblioteke, kao i posjete školama, a kao završnu aktivnost su organizovali zajedničko slavlje.

**Aktivnosti inicijative:** Predstavnici gradske biblioteke su organizovali inicijalni sastanak sa predstavnicima menadžmenta škola JU OŠ “Kreka” i JU OŠ “Živinice Gornje”, tokom kojeg su dogovorene aktivnosti i period realizacije. Kutak za edukativne aktivnosti u gradskoj biblioteci je opremljen sa dodatnim didaktičkim materijalima.

Održane su po 4 radionice sa učenicima iz obje škole. Grupa učenika iz obje škole, od po 25 učenika, je strukturno bila ista tokom seta radionica. Učenici su u pratnji sa učiteljicama dolazili u prostorije gradske biblioteke gdje su imali priliku da učestvuju u edukativnim radionicama korištenjem didaktičkih igara i sadržaja.

U obje škole provedena je edukacija školskog bibliotekara prilikom čega su školski bibliotekari imali priliku usavršiti tehnike uređivanja bibliotečkog fonda, pravilnog evidentiranja kroz inventarnu knjigu i uspostavljanja aktivnosti animiranja učenika za korištenje bibliotečke građe školske biblioteke. Skromna donacija knjiga uručena je školskim bibliotekama JU OŠ „Kreka” i JU OŠ „Gornje Živinice” od strane gradske biblioteke. Nakon provedenih aktivnosti predstavnici gradske biblioteke su posjetili obje škole prilikom čega su proveli refleksiju i prikupljanje informacija o efektima na učenike i rad školske biblioteke. Organizovano je završno slavlje prilikom kojeg su predstavnici škola uručili zahvalnice biblioteci. Učenici JU OŠ “Živinice Gornje” su sa nastavnikom tehničkog odgoja izradili unikatnu zahvalnicu na koju su urezali svoja imena.

### Rezultati inicijative:

- Učenici su imali priliku posjetiti biblioteku i upoznati se sa sadržajem koji ona nudi;
- Promijenjena je percepcija biblioteke koja je pored svojih primarnih zadataka, postala i mjesto dobre zabave i učenja;
- Izmjenjena je percepcija uloge bibliotekara u vidu učitelja pomagača;
- Poboľšane su komunikacijske vještine uečnika;
- Animirani su novi korisnici članstva u gradskoj biblioteci;
- Povećan je broj korisnika školskih biblioteka;
- Učenici su iskusili novi i zabavniji pristup učenju, izvan školske učionice kroz okupljanje i druženje i razvijanje mašte.

